



Protocol dalla radunonza generala dils 28-08-21

Datum: 28-08-21
Temps: 19:30 uras
Liug: Zur Bündte, Jenins

1. Beinvegni ed appell

Rinaldo fa in cordial beinvegni alla 55 avla radunonza generala e dat a nus ina pintga retrospectiva dallas paucas occurenzas che han astgau vegnir menar atras el 2020/21. In special beinvegni fa Rinaldo a nies president d'honor Venanzi Casanova, nies dirigent d'honor Eugen Casanova, nossas commembras e commembers d'honor, Fidelia Staub, Amadeus Muoth e Cornelia Bigger.

Seperstgisai per la radunonza ein Valentin Vincenz, Jolanda Kohler, Ladina Obrecht, Rochus e Veronica Cadruvi, Marcel Bärtsch, Ivo Gienal, Brigitta Paulin, Toni Valaulta, Baseli Collenberg, Max Staub, Irenäus ed Imelda Friberg, Clau Flury, Sandra Carisch, Alberto Palaia, il president dalla Surselva Romontscha Toni Poltera, Genny Eggimann, Anita Gabathuler, Letizia Ludwig, Ursula Tresp

2. Elecziun dils dumbravuschs

Questa sera ein 45 commembras e commembers seradunai a Jenins, 23 vuschs ein igl absolut pli.

Nesa e Lidia vegnan proponidas ed acceptadas sco dumbravuschs

3. Protocol dalla radunonza generala 2020

Approbaziun dil protocol – el vegn acceptaus cun in applaus.

4. Pareris

La pandemia ha fatg in pèr problems al president e quess era ad in ni l'auter commember e commembra. Massa occurenzas han stuiu vegnir spustadas. Silmeins la tura cun gianellas ed il sguard davos las culissas dad RTR ein stadas pusseivlas e fetg bialas.

A: dal president

Il pareri dil president, che tuts han survegniu cul invit tier quella radunonza dad oz, vegn approbaus cun in grond applaus.

B dalla dirigenta

Ils davos 33 onns havein nus adina udiu il bi ed exact pareri dad Eugen. Ussa ha Monika Arpagaus surpriu la bitgetta. Nus havein denton mo giu 3 emprovas egl onn vargau. L'unica comparsa havein nus saviu far ad ina sepultura. Quella ei vegnida ludada digl organist.

5. Rendaquen dil cassier...

Igl ei sco tiel president e tier la dirigenta era en cassa stau fetg ruasseivel. Retus ha sperau tochen la fin ch'ei vegnessi forsa aunc en ina entrada per saver serrar giu il quen cun in gudogn. Denton cunquei che nus havein – sco bia autras occurenzas – era buc saviu menar atras il lotto, havein nus buc giu in'occurenza cun in gudogn. Las cefras han tut ils commember e las commembras survegniu ensemen cugl invit per la radunonza.

.. e dils revisurs

21-1-21 Lucas salida tut ils presents e tut las presentas. Uonn eis ei sempel e cuort – Corona dalla fuerra! Il revisur engrazia alla suprastonza per la lavur ed a nossa dirigenta per la premura. Ils revisurs han constattau ch'il quen vegn menaus schuber e bein. Alla suprastonza ed alla dirigenta in engraziament cun in applaus.



Nus dein dechargement al cassier cun tener si maun e fagein quei unanimamein, engraziel fetg!

Nus havein survegniu CHF 200.- dad ina commembra che vul buc vegnir numnada. Grond engraziament. Dalla URB havein nus saviu retscheiver ina donaziun da CHF 500.-, cun quei ch'els han era stuiu dir giu enqual occurenza.

6. Damonda per midada digl art. 9 ed 11 dallas statutas

Proposta dalla suprastanza dad alzar il diember da persunas ella suprastanza. El mument ein nossas statutas scretas aschia che nus havein treis persunas ella suprastanza. Ei vegn unanimamein decidu dad alzar il diember dalla suprastanza sin tschun commembras e commembers.

Deplorablamein ha nies stimau cassier Retus Spescha giavischau da calar suenter l'emprema perioda d'uffezi da treis onns, in grond engraziament ad el. Il president Rinaldo e l'actuara Lea vulan aunc restar ella suprastanza per la proxima perioda.

Nus presentein per quei treis persunas novas ch'ein motivadas da vegnir ella suprastanza: Karin Deplazes, Sandro Caduff e Fidelia Staub.

Nus elegein l'entira nova suprastanza unanimamein.

Retus engrazia fetg al president e punctuescha la gronda gronda lavur da Rinaldo, nus elegein el cun in grond applaus ed ina "standing ovation".

La revisura da quen Andrea Dellner ed il revisur Lucas Caviezel vegnan elegi unanimamein per ina ulteriura perioda d'uffezi.

7. Mutaziuns e honoraziuns

Mortoris

Johanna Schlegel 14.06.1928 – 10.10.2020

Josefina Camenisch 27.07.1934 – 01.07.2021

Extradas...

Elisabeth Senn, Carolin Tobler, Claudia Vinzens

..ed entradas

Max Staub, Ernst Tinner, Uniun Surselva Romontscha

Actual havein nus 91 commembers e commembras, 40 da quels ein el chor.

Giubileums

20 onns

Veronica Cadruvi, Anita Gabathuler

30 onns

Rochus Cadruvi, Lisa Hendry,

35 onns

Fidelia Staub, Amadeus Muoth

Cordiala gratulaziun a quels fideivels camerats e camerattas.



Honoraziuns

In grond "Engraziel fetg" va a Brigitta Paulin! Ella ha scret onns en ed onns ora cartas dad anniversari. Deplorablamein ha ella stuiu dar giu quella incumbensa ord motivs da sanadat. Elisabeth Caduff ha surpriu quella lavur, engraziel fetg.

8. Activitads 2021

Radunonza, cuors da cuschinar, sentupada d'atun sil Lanaberg, sentupada rumantscha cun lotto, viseta dalla via d'advent a Quinten, meisa Rumantscha

9. Contribuziun annuala

Proposta ei da star tier ils CHF 60.- Cunterpropostas dat ei neginas.

10. Varia

www.reziabassa.ch

Venanzi gratulescha per la buna schelta dalla nova suprastonza!

el settember 2021

L'actuara Lea Killias